




□



Future-proofing our children

Sikolo sa lasunda: Sitopa sa banana ba bainyani

Toho ya Tuto

Ku Iwana ni ku kutasana lipilu

Buka ya Bashemi
Sikolo sa la Sunda sa mwa malapa



Balatiwa Bashemi

Mwa amuhelwa kwa tuto ye li “**Ku lwana ni ku kutisana lipilu** ya sikolo sa lasunda ya banana ba bainyani. Pampili ye i mifa kabukuswani kamo muka lutela tuto ye.

Mo mu kona ku itukiseza ni kufa tuto

Ze tatama ki zeñwi zeo mu swanela ku ezeza mwa ku itukiseza ni ku fela tuto ye.

Muhato	Sa kueza
1.	Mu kene fa likepe la Keleke ya ba Apositola ba Banca, ka ku sebelisa likepe le fa WhatsApp: https://bit.ly/3NACSSHS
2.	<p>Mu be ni lisebeliso ze tatama kuli mu kone ku itukiseza kufa hande tuto:</p> <ul style="list-style-type: none"> • Bibebe • Mapampili a lukisizwe kale a tuto ye. • Buka mwa sebeleza mwanana, lipotoloto ni lipendiso za banana, ni zeñwi cwalo. • Maswaniso aku buha a lukisizwe a kona ku sebeliswa ku ekeza fa halimu a tuto (ha ku konahala) • Katekisema ni buka ya lipuzo ni likalabo (Kwa banana ba bali mwa litopa za Tiisezo) <p>Mamela:</p> <p>2.1: Nako yende yakufa tuto ki la Sunda ka kusasani, ka samulaho a sebelezo, sina banana ha ba fiwanga lituto ka nako yeo.</p> <p>2.2: Mukupiwa ku eza tuto ye bukuswani ha ku konahala, ka ku hupula nako nyana yeo banana ba kona ku teezeza ni ku utwisisa hande.</p> <p>(Mu sike mwa bulela ze sa ami tuto) ya mwanana – Ki mina mu ziba ahulu mwana mina ni ku fita. <i>Ka mulao, sikolo sa la Sunda hasi swaneli ku fitelela mizuzu ye mashumi a mane nito tu keta lizoho (45 minutes).</i></p> <p>2.3: Lituto li kauhanyizwe ka litopa (Sikolo sa la Sunda, Taelo ya silumeli ni Tiisezo - SS1, R11 or Confirmation).</p> <p>2.4: Mulizeze kapa ku ikopanya ni muluti wa sikolo sa la Sunda ha mu tokwa tuso kwa lisebeliso ze bulezwi.</p>
3.	Mu lapele (Mubone tapelo ye ñozwi, kwa mafelelezo) mi mukupe Mulimu kuli ami eze sisebeliso mwa kufa tuto ye, ka mwa latela.
4.	<p>Mu eze sibaka sa tuto kuba se sinde (ku sina lilata) fo mina ni mwanana mu bani buino bo buswana.</p> <p>Ka mutala: Mu ine fa lishasha/ fa museme kapa fa lipula ku potoha tafule</p>
5.	Mu bale tuto ye lukisizwe. Mu kutele ku ibala hape kuli mui utwisise hande. Mu buhe maswaniso a tuto kuli mube ni kutwisiso hande
6.	Mu iñolele tu ñusanyana twa butokwa to mubata ku hupula ha mufa tuto.



Mufe tuto ya Sikolo sa la Sunda mwa malapa

Mo kuswanehela ku itukiseza ni kufa tuto ye


Lu zwela pili ku mifa mikwa, yeo muswanela ku itukiseza ni ku fa tuto ye:

Muhato	Sa kueza
7.	Mu utwisise butokwa bwa tuto, yeo mwanana a swanezi ku mamela ni ku sa libala.
8.	Mu fe mwana mina tuto ye, ka ku mukandekela likande la tuto. Mu kona ni haiba ku mu balela likande le ha mu tabela.
9.	Mu supeze mwana mina video, mi muketele butokwa mwa tuto ye.
10.	Mu bulelele ni ku susuweza mwana mina kuli a eze musebezi o mwa buka ya hae, ya sikolo sa la sunda.
11.	Mu lapele kapa mu kupe mwanana kuli a lapele kaku kwala tuto.

Lisebeliso ze fumaneha kuama Sikolo sa mwa malapa

Ze tatama ki lisebeliso ze kona ku ekeza ni ku tiiseza butokwa bwa tuto:

1. Mu eze likepe la WhatsApp la ku ikambota tuto ye ni mabasi a mañwi a sikolo sa la sunda.
2. Mu ambole ni bashemi ba bañwi kuli mube ni kutwisiso ku amana ni tuto pili mu sika ifa kale ku mwana mina.
3. Mu be baba lukuluhile, ku batisisa litaba zeñwi kuama tuto ye.
4. Muongaongi ni muluti wa sikolo sa la Sunda mwa kopano yamina ba itukiselize ku mi tusa.

 Notes



Tuto

Toho ya Tuto

Ku lwana ni ku kutisana lipilu

Mutomo/Butokwa bwa tuto

Tuto ya kacenu i lu luta ka moo lu swanale ku ezeza ha luna ni likomano/lifapani

Likande ki le:

Tuto ya kacenu i lu luta kuli lu swanale ku ezeza hande ha luna ni likomano/lifapano.

Na sepa kuna ni nako hano lwanile kamba kuba ni kañi ni yomuñwi.

Bibele ni yona ilu bulela kuli ni haiba Jesu Krete na ipumani mwa linako ze si zende bakeñisa lila za hae.

Nako kaufela batu ha ba pila hamoho, ku ka ba ni nako ye si yende, ye kona ku tisa lindwa.

Ku kona ku ba ni nako, yeo lu sa lati ku ikupela maiswalelo kamba ku kutisana lipilu ni ba bamwi, kono lu hupule kuli lu swanale ku eza seo Jesu na ka si eza ili ku ba mutisi wa kozo.

Ka lizazi le limwi, ne kuna ni lipuli peli ze ne bizwa Zirpel ni Zwickel. Nako kaufela lipuli zeo ha ne likopana, neli lwananga. Zazi le linwi lipile ze peli zeo za kopanela fa mutano, mutano woo ne u kumbami, kacwalo lipuli zeo neli sa koni ku fitana.

Bakeñisa sa taba ye, Zirpel ni Zwickel ba kopanela fa hala mutano.

Cwale ndwa ya tateka/kala, Zirpel ali ku Zwickel: “Wena u kute mwa mulaho pili, ili kuli na ni fite! “Batili wena u zamaye” “Na hani lati ku kuta mwa mulaho! Zwickel a alaba. ‘Kono na ni kalile ku fita’ Awa kina ya kalile! Zwickel a huweleza.

Kwa mafelelezo ba lwana ka bumaswe mi ba kashana ni manaka a bona.

Hanze ba eza cwalo, ba libala kuli ne ba yemi fa mutano o kumbami. Onafo feela, ba sitatala/telela ni ku wela mwa mezi. CHAPAA!

Mwa mezi a bata, ba libal za ndwa ya bona. Ne ba tabile kuli ne ba kona ku pahama ku kuta fa likamba. Ndwa ne i libezwi mi ba ba balikani!



Tuto ye italusañi ku luna kacenu?

Cwale, lu itutile sika mañi mwa tuto ya kacenu banana ba balateha:

1. Nako kaufela mu kutisane lipilu, ki taba ye lukile.
2. Ha mu kutisana lipilu ni ba bamwi, se ha sina ku tabisa feela bona, kono ni mina muka ikutwa ku taba.
3. Ka ku kutisana lipilu ni ba bamwi ka sa mulaho wa ndwa, lu supeza lilato la luna ku Mulimu.
4. Jesu nako kaufela na tisa kozo, mi ni luna lu bata ku latelela mutala wa hae.

Lipuzo zemwi ze lu kona ku buza:

- **Puzo:** Kiñi ha lu swanela ku kutisana lipilu ni ba bamwi ka sa mulaho wa ndwa/komano?

Kalabo: *Ka kuli seo kona sa bata Jesu kuli lu sieze. Jesu ki mutisi wa kozo.*

- **Puzo:** Ku ezahala sika mañi ha lu kutisana lipilu ni ba bamwi?

Kalabo: *Kwa ba tabisa,*

- *Ukona ku fumana balikani ba banca,*
- *Lu eza bupilo bwa luna ni bwa ba bamwi ku ba mbubo/hande.*

- **Puzo:** Lu kona ku kutisana cwañi lipilu?

Kalabo: *Ku kupa maiswalelo,*

- *Ka ku sa ba ni mikwa ye maswe ku ba bamwi,*
- *Ka ku swalela mutu ye lu lwanile ni yena..*



Litapelo za luna

Tapelo ya bo Ndate ni Boma ye fiwa pili tuto isi ka tateka:

Ndate ya mwa lihalimu

Na itumele ku wena kwa lizazi lelimwi la lilato ni sishemo sa hao

Na kupa u fuyole bome ni bondate. Fuyola baeteleli, balikani baluna kaufela ni mabasi a luna

Lu lapela kuli lu ku late ni ku kuli lu kalatelela bashemi ba luna

Lu fuyole kuli lu kone kuba ni sishemo ni lilato mane ni ku ba ni likuta ni musa ku be lu kopana ni bona

Lwa kupa u fuyole tuto ya sikolo sa banana sa la Sunday ye, ni kuli nako kaufela lu hupule ku itumela ku wena ka ku lu keta kuba bana ba hao.

Lu bata ku inelela mwa tumelo ni ku latelela ku fitela u taha ku to lungela kwa hae.

Lu kupa ze kaufela mwa libizo la hao

Amen

Tapelo kasamulaho wa tuto:

Ndate ya mwa lihalimu,

Na itumele kuli ulu silelelize kacenu, ni kuli ha kuna kozi ye lu tezi ha ne lu bapala.

Lu be ni busihu bo bunde, mi kamuso lu be ni lizazi le linde.

Na kupa unit use ku ba mi silikani se sinde ni balikani baka ili kuli ni seke na lwana ni bona.

U be ni Lubasi lwa ka nako kaufela. Fuyola mu Apositola yo muhulu, ni baeteleli ba keleke kaufela, mi uba sileleze mwa misipili ya bona.

Na kupa utuse bana ba hao kaufela, sihulu baba kula,

Taha kapili ulungele kwahae

mwa libizo la Jesu

Amen.